

## Danas tri susreta play-offa, Ajax gostuje u na Kipru



Kvalifikacije za 65. nogometnu Ligu prvaka ulaze u finalnu fazu. Nakon odigrana tri kola u utrci za šest mjesta za plasman u grupnu fazu elitnog takmičenja preostalo je 12 ekipa.

Prva tri susreta play-off-a igraju se večaras. Prošlogodišnji polufinalista Lige prvaka Ajax gostuje u Nikoziji protiv kiparskog prvaka Apoela, austrijski Lask u Linzu dočekuje belgijski Club Brugge, dok će u trećem susretu današnjeg programa snage odmjeriti rumunski Cluj i praška Slavija.

Preostala tri susreta play off-a igraju se srijedu. Zagrebački Dinamo na Maksimiru će ugostiti norveški Rosenborg. Crvena zvezda će u švicarskom Bernu gostovati protiv Yang Boysa, dok grčki prvak Olympiakos u Pireju dočekuje ruski Krasnodar.

Hrvatski prvak je na startu kvalifikacija bio slobodan, u drugom kolu je izbacio gruzijski Tbilisi (2:0, 3:0), dok je 3. kolu bio bolji od mađarskog Ferenvarosa (1:1, 4:0).

Nogometaši Crnene zvezde u završnicu kvalifikacija plasirali su se nakon što su eliminirali litvansku Sudovu (0:0, 2:1), finski HJK (2:0, 1:2) i danski Kopenhagen (1:1, 2:1-penali)

Revanš utakmice play offa na rasporedu su 27. i 28. augusta.

Šest pobjednika susreta play off-a bit će priključeno s još 26 ekipa koje su direktno uvrštene u grupnu fazu (ukupno 32 ekipe). Šest prvaka dolaze iz zemalja s najvišim rangom, zatim prošlogodišnji pobjednici Lige prvaka i Evropske lige, te ostalih 18 ekipa na osnovu UEFA-ine ljestvice klupskih koeficijenata.

Žrijebanje grupne faze Lige prvaka bit će obavljeno 29. augusta u Monacu. Trideset dva kluba bit će žrijebana u osam grupa s po četiri ekipe, a nosioci će biti Liverpool (Eng), Chelsea (Eng), Barcelona (Špa), Manchester City (Eng), Juventus (Ita), Bayern (Njem), PSG (Fra) i Zenit (Rus).

Susreti 1. kola grupne faze Lige prvaka igrat će 17. 18. septembra.

Finalni susret igrat će se 30. maja na stadionu Atatürk u Istanbulu.

Parovi play off-a nogometne Lige prvaka:

večeras (21.00):

Nicosia: Apoel – Ajax

Cluj: CFR Cluj – Slavia Prag

Linz: Lask – Club Brugge

srijeda, 21. augusta (21.00):

Zagreb: Dinamo – Rosenborg

Pirej: Olympakos – Kransodar

Bern: Yang Boys – Crvena zvezda (fena)

Date: 20-08-2019